



Uunga siunnersuut: Kalaallit oqartussaaffiit tunngatillugu pisortat ingerlatsinerat pillugu paasitineqarsinnaatitaaneq pillugu inatsisip atortussanngortinneqarnera pillugu Kunngip Peqqussutaanut Namminersorlutik Oqartussat isumaqataanissaat pillugu Inatsisartut aalajangiiffigisassaat

(Naalakkersuisut Siulittaasuat
(Siullermeenera)

Danskit pisortat ingerlatsinerat pillugu paasitineqarsinnaatitaanermut inatsisaat maannakkut atuuttoq atuutillerpoq ulloq 1. januaari 2014. Inatsisip politikerit atorfillillu kiffaangissuseqarnerulersippai Københavnimi ministerinut kiffartuussinermut atatillugu suliainnik tamanut mattussisinnaanerulernissaannut.

Taamani allannguisoqarnerata kingorna suliainnik avammut isertuussisoqalerpoq qujanartumilli Kalaallit Nunaanni suli misiginngisatsinnik. Pitsaanerpaamik ingerlatsisoqassappat kissaatiginerpaavarput oqartussaaffiit suliainnik ingerlatseqqittassasut kikkut tamat oqartussaaqataanerata imatut killilersunngikkaluarlugu.

Demokraatini iluaraarput Kalaallit Nunaanni pisortat ingerlatsinerat pillugu paasitineqarsinnaatitaanermut inatsit ajornerulersissimannnginnatsigu sulilu pingaartillugit pisortat ingerlatsineranni paasiuminartumik ammasumillu ingerlatsisoqarnissaa. Matumangga peqqussummik akuersinitsitigut Kalaallit Nunaanni isertuussisalernissaq ammaateriaannaavarput, kisianni Kalaallit Nunaanni danskit oqartussaaffiini suleriaatsit naalagaaffiup Folketingillu aalajangingassaraat.

Peqqussut manna atuutillerpat eqqartuussiviit, politiit, Naalagaaffiup Sinniisoqarfia aamma danskit oqartussaaffii allat siunissami allattugaatinik aalajangersimasunik paasiniaavigineqarsinnaajunnaassapput. Taamaattumik ernumalaanngitsuunngilagut inatsimmik akuersinitta qanoq kinguneqarsinnaaneranut.

Demokraatini peqqussut qularfigaarput. Taamaakkaluartorli aalajangerneq akerlilersorniannngilarput, Folketingip aalajangigassarimmagu malittarisassat suut danskit oqartussaaffiini atuutissanersut.

Tamanna tunngavigalugu Demokraatini inassutigaarput siunnersuut akuerineqassasoq.